



BOLETIN MENSUAL DA CULTURA GALEGA

Ano XV ★ Ourense Día de Galicia de 1933 ★ Núm. 115

# A G A R I M O

As máns, como navíos,  
asulcan teu cabelo,  
mar que se escacha en fíos  
na fronte-setestrelo.

Sob as douradas olas  
o corazón muiña  
i-enfoula ás almas tolas  
a infinida fariña.

O misterioso goce  
que sofre o espírito lene  
relampa no teu doce  
ollar paraselene.

De un recanto do ceo  
meu amor estreleiro  
pra pousar no teu seo  
prisa un bico luceiro.

E alcendendo a candeia  
da venturanza miña  
canta a boa serea.

•Acaríña... acaríña...!